

四庫全書

集部

欽定四庫全書

滎陽外史集卷五十二

明 鄭真 撰

騷

訟魑

一葉落兮蓐收行秋雲雷屯兮解澤不流巫咸啓莖兮
告我以由維茲之旱兮繫魑之尤驕陽煊煊兮滌滌山
川草木赭兮土石生煙澗不波兮井不泉載飢載渴兮

心悵悵嗟爾魑兮茲何愆蒼天高兮無雲赤地邈兮揚
塵蟲蟲蘊隆兮如悵如焚土能蜥蜴兮匪靈匪神嗟爾
魑兮何不仁原隰眇眇兮我畱我畱杭秣稿兮黍稷枯
朝無食兮晚無舖乏官稅兮虧私逋嗟爾魑兮斯何辜
上帝好生兮鑒觀下方敷社陳辭兮維以永傷海濱廣
斥兮民流亡害民之天兮爾罰有常星弧斯張兮河鼓
其鎧集鎔鄒兮招干將剝膏塗血兮霧大荒豐隆軒其
震霆兮列缺煜其輝光決滄溟兮傾銀潢驅長蛟兮舞

商羊雲蒸雨降兮縱陰開陽歲其有以兮奏豐穰千秋
萬禩兮奉聖皇

採藥翁歌

慈溪紫陽先生徐君業儒而醫以採藥翁自號於是同
郡鄭真為之作歌曰

若有人兮青雲兮鏘琳琅兮斑其陸離服神漿兮飲上
池妙造化兮刀圭慨羲農兮遠而和緩不作兮將安歸
欲登陸兮上天台跳梁叫嘯兮多虎豺欲涉海兮訪蓬

萊虛無恍惚兮匪吾所懷越山青兮冥冥越溪碧兮冷
泠百草兮菁菁揚熒熒兮先榮獨遑遑而求索兮歷雲
煙而遐征恐白日之云暮兮鷦鷯忽其先鳴續厥美兮
充幃芬郁郁兮難窺相厥民兮是詒俾壽域兮同躋邈
予生兮駸駸嗜芴苓兮朮參步徙倚兮雲林靈虬伏兮
孤根深遲予思兮悵悵欲往從兮紫巖之陰矢吾辭兮
穆如清風嗟若人兮其慰爾心

日晚歌

日落兮山之西雲冥冥兮靄霏霏牛羊驅兮下來鳥雀
翔兮欲棲松林寂兮煙火稀樵牧散兮屋荆扉零露漙
兮草萋萋望若人兮海之涯威儀孔秩兮德音弗違杜
若為佩兮芰荷為衣架赤虬兮懸蒼鷺臨清流兮陟翠
微日之夕兮澹忘歸椒堂深兮蕙帳低白鶴嘯兮玄猿悲松
桂團團兮蘭芷猗猗有琴在牀兮有書在帷若人歸兮不遲
彼世昏昏兮其如之奚

溪中吟

青雲歸兮北山翠壁杳兮難攀渺雙溪兮如帶澹經緯
兮其間潺潺兮漱玉揚揚兮皴縠蔭纖草兮留青挺長
松兮覆綠桂棹兮蘭舟蹇將行兮少休風澹蕩兮媵予
放予歌兮中流中流兮不遠天蒼蒼兮欲晚四顧兮寂
寥樂優游兮忘返擷蘋繁兮青青採芹藻兮幽馨悄空
林兮無人誰與予兮目成濯纓兮洗耳循往迹兮遐軌
澹世故兮相仍巢由不作兮吁其已矣弛予機兮絲與
綸鷗泛泛兮魚鰕抗塵俗兮謝氛祲時在再兮秋復

春白石兮齒齒波泠泠兮清泚澄予心兮空明詠考槃兮樂只

山中吟

山蒼蒼兮其高石洞鈇鈇兮風壑怒號豺虎嘯兮熊羆
咆沱寥慘悽兮誰為遊遨山中人兮松喬其儔乘赤豹
兮駟蒼虬來歌兮來遊相彼下土兮曾焉足以少留仰
視兮青天俯聽兮悲泉寥容與兮周旋却塵俗兮洗繁
悃間闌兮鳴琴雄飛呼雌兮嘯以吟幽思兮惜惜伐木

兮許許其音下土茫茫兮垢氛滌天地兮不分表獨立兮
秋雲渺千里兮孔懷斯人懷人兮謂何哀亂喪兮實多
挾秦弓兮操其戈紛行役兮孰卹其他主組兮浮雲悵
胡為兮勞神曷不歸來兮保爾真與猿鶴兮主賓結屋兮
山椒月皎皎兮風蕭蕭歸來兮逍遙千憂釋兮萬慮消

山中人

若有人兮山中居白雲為佩兮明月為琚甕牖兮桑樞
清不撓兮皎不污孤竹之君兮清而癯赤松之子兮有

虬其鬚蛟獨立兮簷除歲寒之交兮金石匪渝石磊砢
兮徑崎嶇靈籟雜還兮如笙如箏熊羆兮猿狙聲慘慘
兮悲呼山人兮何如樂偃息兮跼蹐有詩兮有書深
筆耒兮耕畬皎皎兮白駒不馳兮不驅時行兮時趨或
卷兮或舒不求榮於爵祿兮不顯著其聲譽異炎附而
寒棄兮匪朝滿而夕除歲晏兮愁予風雲慘淡兮原野
蕭疎蘭芷穢而不芳兮荃蕙化而為芻盍韜光而襲素
兮毋銜寶以求沽撫萬類兮萬殊登山臨水兮於斯樂

胥山之田兮可畦可疏山之泉兮可釣可漁釀拒黍兮
為醺採筍蕨兮為菹醉擊缶兮歌鳴鳴樂浮生兮須臾
仁義兮為廬道德兮為塗日居兮月諸懷千古兮一物
與聖賢兮同徒矢吾行兮勿渝

祀田祖

瓊靡兮椒糝蹇將祀兮田之祖折瑤草兮玉芝續靈巫
兮式歌且舞伊容儀兮孔莊精神兮以聚神不來兮我
心憂神既來兮澹容與鳴竽兮吹笙鏗鐘兮伐鼓啐予

酒兮樽壘薦予肉兮鼎俎皇穆穆兮以怡颯帷幕兮如
語祥風兮甘雨長我稻杭兮介我禾黍斃螟螣兮去麤
鼠歲其有兮穀汝介景福兮純嘏雲旌兮以揚霞旆兮
斯舉明神兮不留心搔勞兮思凝佇千秋兮萬古我有
民事兮惟神之怙

祀蠶神

彼佳人兮淑慎其儀珠玉爛兮冠佩陸離肅步趨兮委
蛇被僮僮兮熒乎珈笄潔石碩牲兮明齊蜜為餌兮瓊

為麝香既升兮酒既釀醲神之來兮雲旌霧旗紛進拜
兮庭帷跪敷衽兮陳辭春陽兮熙熙采繁兮祁祁萬苗
續兮日滋蚺蚺蠕蠕兮蠢蠢蚩蚩載含載育兮妙造化
之元機匪神是賴兮於吾曷綏雪蘭兮水絲濯皎皎兮
漣漪或玄或黃兮光采交輝為裘為裳兮卒歲是宜匪
神之惠兮吾將疇伊依齋予心兮是祇奠予物兮莫違
我民服事兮神其聽之風揚揚兮雲飛神欣欣兮格思
錫祉福兮繁禧樂千齡兮為期

鳳湖辭

湖之水兮瓊瑤明月皎兮清風蕭蕭若有客兮吹洞簫
悵鳴鳳兮九苞紫庭丹穴兮路遠遙阿閣圯毀兮岐山
寂寥烏鵲嚇腐兮非其曹矰繳在下兮翔千仞以為高
飲瑤島兮鳴赤霄千秋萬歲兮誰能招聖人作兮文明
靈池拓兮黃河清受圖璽兮萬國來庭中宮服齋兮聖
心晏寧伶倫正律兮蕭韶九成湖之水兮瑤瓊味如醴
兮深且澄高岡兮峻嶒瓊枝玉樹兮梧竹交青鳳兮鳳

兮曷不覽德而來鳴符氣運之重熙兮瑞王國之太平

望伏龍山

山蜿蜒兮委蛇孱顏峩峩兮天與齊崖噓氣兮雲渺
渺林蒸潤兮雨霏霏水淙淙兮澗底若流沫兮淋漉天
地變化兮景光蔽虧雲霞滅沒兮煙霧低垂螭螭鼓舞
兮蛇蚓奮飛嗟爾龍兮胡為乎塗泥望豹闕兮岌岌悵
躊躇兮有立枯蔓森兮垂髯老樹撐兮奮鬣慘兮冽震
兮惛波濤舂撞兮滄海急豺虎嘯兮魑魅泣心滄茫兮

欲歸忽神雷兮破蟄

騎牛歌為史瑛叟先生作八行太師

牛之色兮惟駢惟薺有妥其尾兮有瑩其蹄爾力孔武
兮爾肉甚肥匪以伏轅兮匪以負犁犂牧野兮萋萋水
洋洋兮有綠其漪飲爾渴兮飼爾飢有美王孫兮欲如
之奚及春日兮光輝以遨兮以嬉白霓裳兮青雲衣佩
鏗鏘兮續其陸離行道兮遲遲王孫樂兮心孔夷歲云
邁兮風雨淒其唐虞世遠兮將安歸商歌扣角兮聲正

悲齊桓不作兮聞者伊誰白石兮斑斑碧溪兮潺潺王
孫兮清且閒駕爾牛兮往而還月皎皎兮夜未闌聲剝
啄兮扣闕饌爾酒兮怡爾顏聊優游兮南山

寓辭

予近得花乳石筆架形製頗異館寓必與之俱蓋八九
年於茲矣至正庚子十月二十有五曰羽化而去意甚
惜之既而歎曰物之靈者豈肯久與羈窮之士處哉因
作辭以自解且招之云嗚呼汝其全真返樸於赤城之

陽乎其甘心混雜於瓦石之場乎其沒身沈淵以自晦
藏乎且登金門上玉堂以發揮堯章乎將涉江浮海泛
沅逾湘與騷人墨客以翱翔乎將與貪官敗吏弄法舞
文傷國俗而隳朝綱乎抑將與豪商大賈計微利於毫
芒乎抑將與白面書生汲汲遑遑鑽風研雪以自激昂
乎嗚呼嘻哉兮我知其由山窗旦夕兮不爾休羈縻旅
泊兮貽厥羞舍我去兮恣爾遊世路兮險巇貧賤肆兮
富貴危悄彼老禿兮廓無依吁嗟汝兮盍來歸

松亭樂隱辭上史僉憲李衡相公

有美兮貞松舞青鸞兮屹蒼龍栖浮嵐兮晻靄洒飛翠
兮淙濛氛埃軼兮白日虛績颯兮清風繁至人之無我
兮恒服和於令躬抗雲霄之志節兮挺霜雪之昌丰孤
亭矢其如棘兮謝琬琢之精工美冠履以逍遙兮樂琴
書之從容境與物以默會兮心與道其俱融昔彭澤之
解組兮樂天命以保終彼神武之掛冠兮求厥志之所
從逸千載之遙遙兮矢精誠以遐通撫遺編而想像兮

切有契於深衷爰攄辭以達志兮振洪聲之颯颯浩蕩
兮廓充會萬理兮適厥中優哉游哉兮培令德於無窮
客有為招隱之辭者舉酒以和之曰屹屹兮巖廊萃羣
材兮樹明堂吁嗟乎公曷不歸來兮扶國紀正朝綱淮
海兮湯湯戈甲兮搶攘吁嗟乎公曷不出兮蕩熒惑掃
欃槍赤烏兮朱裳執圭兮捧璋迪前人兮輝光千秋萬
歲兮奉聖皇

梅雪軒辭

懿彼哲人清而潔兮有植斯軒扁梅雪兮八牕玲瓏夜
未央兮瓊枝玉樹爛交光兮寂然晏坐扶冠裳兮左右
圖書維有章兮纖累不容心純白兮萬理畢會默觀察
兮尚友古人思惛惛兮樂天委命契其心兮維梅其馨
雪則清兮二美合併保令名兮歲寒之交矢弗渝兮悠
哉游哉聖賢之徒兮

孤鴈辭

鴈飛兮南征
笳獨兮無情
天慘慘兮霜露零
日離離兮

悲鳴悲鳴兮不歇彼矰繳兮中發跼雲霄兮翅雙折洒
平蕪兮毛與血故關邈兮我我北風蕭蕭兮寒水波彼
羣侶兮孔多悄哀思兮其如之何

紫霞洞歌十章

深林蘭畹

悄穹林兮無人幽葩曄兮青春遠遊塵兮芳潔播清風
兮芬冽幽思兮悵悵湘山杳兮湘水深望夫人兮逾遠
悵荒蕪兮九畹

方沼美渠

鑿方渠兮成沼幻丹霞兮瑤島綠衣兮絳裳來羣仙兮
窈窕娛光渺兮目曾波朱明晝酣兮容顏酡臨風兮浩
歌歡樂極兮奈何

晴巒修竹

層巒兮穹窿蒼雪洒兮晴空望帝子兮雲中拂翠羽兮
淙淙縹緲兮天風鳴玉鸞兮噦噦

雪巖長松

寥長松兮山中連蜷夭矯兮如虬如龍白漫漫兮天雨雪凜高枝兮欲壓嗟歲寒兮獨禁春風繁華兮吾何心

巖前古桂

桂樹團團兮巖之幽西風蕭蕭兮天地秋黃金兮為粟沃清香兮萬斛望天上兮廣寒雜仙佩兮珊珊深林悄兮塵迴挹芳妍兮樂清隱隱君出兮莫攀賦淮南兮小山

松下寒梅

蒼髯掀兮古色玉顏澹兮的皜歲暮兮天寒列下上兮
相看老偃蹇兮匪傲顧嬌妍兮一笑冰雪兮稜稜吾與
爾兮忘形

南渡仙巖

蒼山歸兮孱顏俯流水兮潺潺花草春兮爛斑窮千仞
兮躋攀望佳期兮三山鴻飛冥冥兮不可攀天風兮珊
珊颯雲深兮佩環

鑑如歌為胡仲章作

若有人兮詞林之宗學海之雄彥自河朔兮止於瀛東
默天地之運兮契造化之工吸河漢於肺腑兮羅星斗
於心胃合水火以為爐兮磨日月以為銅匪鉛粉之數
拭兮不沙石之磨礪洞晃朗兮湛虛空獨幽隱兮開蔽
蒙導融顯兮發明聰擊愚昧兮啓盲聾澄一氣之孔神
兮耿一心之與通四時五行兮循環無窮盡古今於一
瞬兮備物理於厥躬彼林林之有生兮秉常性之由衷
賢愚壽夭兮貴賤吉凶生稟有偏兮物莫能同維茲鑑

之昭昭兮爍精光之融融諒纖芥之不隱兮孰有逃於
形容羗無待於龜灼兮亦何假於著筒世溷濁而不清
兮曾莫辨於珉珏寶是鑑以自照兮審進退其焉從俯
江水之如帶兮聊逍遙於其中彈長鋏以自歌兮託遺
響於悲風歌曰模範兮陶鎔迴秋水兮雙瞳鑷班白兮
成翁時不逢兮奚庸吁嗟乎鑑其如人兮懼終蝕於昏
蒙客有飲酒江上倚歌而和之曰天開兮九重聖人御
兮六龍來多士兮肅容昭至正兮廓大公吁嗟乎其入

如鑑兮吾將致汝於天子之宮

白雲祠

望碧山兮嶙峋慨松楸兮白雲泉石閱兮吾親慘音容
兮弗見弗聞心鬱結兮同白雲之氤氲靈相兮巖谷羌
春秋兮蠲卜兒登朝兮得祿養弗終兮悵雲深之埋玉
精神交兮默默有感則通兮匪衆匪瀆薦敬羞兮芳馨
挹醴齊兮清泠靈之來兮雲陰陰靈之駕兮雲冥冥跪
陳詞兮拜俯思罔極兮淚如雨錫遐福兮純嘏叶恍耳

聞兮目覩碧山兮鳳凰屹飛舞兮高岡雲蕩蕩兮天茫茫
覩佳氣之靈淑兮瞻山川之耿光

又

山氣兮巖從藹白雲兮青空昔吾親兮山中樂林泉兮
從容孤兒兮膝下叶華綵衣兮拜舞別尊顏兮登帝所
邈宦途兮西江之許望滄溟兮極浦心搔勞兮思凝佇
浮雲兮天開安車迎兮遠來詠白華兮南陔匡廬攬結
兮悠哉樂哉青春謝兮流年改嘆人生兮不長在化鶴

歸兮雲海盼故山兮靄靄千里兮馳驅墨線經兮返靈
輿妥真宅兮遂厥初白衣蒼狗兮變幻虛無神遊恍惚
兮朝夕與俱攀松柏兮踟躕擾馴鹿兮啼慈烏紛俎
豆兮樽壺奉孝享兮清娛薦予辭兮靈巫渺白雲兮
仙都

榮陽外史集卷五十二

欽定四庫全書

滎陽外史集卷五十三

明 鄭真 撰

賦

安分齋賦

四明鄭君本忠居闌闌中以安分名其讀書之室淞江
大府都事曹南吳主一題其肩淞江儒學提舉胡公世
佐為之記賜同進士出身慈溪陳公為之銘不揆瓦石

輒為之賦曰

夫何美人之好修兮大厥身之所居順天命之自然兮
安性分於厥初朝發軔於仁宅兮夕弭節於義塗資羣
材於文囿兮來哲匠於經邦定中正而植基兮敞寬博
而成區洞高明而啓戶兮通晃朗而為䟽上戴象於乾文
兮下履迹於坤輿動不虞於震驚兮靜屹止於艮隅委
巽順而從容兮守兌說而跼蹐麗離明而燭照兮審坎
險而進趨煥巨扁之高懸兮屹棟宇之渠渠曰吾分之

所宜兮昭名實而非誣時藏修而游息兮縱一心之所
如結白雲而為佩兮曳明月而為裾邀清風以自滌兮
吸沆瀣而充虛抗浮塵以為潔兮矯流俗而不汙白日
脩其西匿兮歛歲年之云徂恐修名之不立兮深筆耒
於畱畬細帙浩其淵海兮眇罔象之求珠探往古於千
載兮遂厥初於三餘擷清芬於博帶兮保遺材於散樗佩
衿森其林立兮來几席之于于藹和氣於絳帷兮隸佔
畢於竒觚情悠悠而有適兮志黽黽而忘劬意欣欣而

自美兮心澹澹而長娛夜漫漫而戒旦兮耿白光於虛
無存一氣之孔神兮邈品類之萬殊聖賢慨其云遠兮
盡徵信於冊書顏簞瓢而陋巷兮憲甕牖而繩樞爰樂
道而忘貧兮矢予心其弗渝使青紫之可拾兮寧能俯
首於欺諛使軒車之可乘兮寧能詭獲而馳驅時嘉橘
之多枳兮蘭蕙化而為芻泯規矩之負方兮曾何有於
嘉謨彼枉尺而直尋兮不速戾於厥軀彼昏夜之乞哀
兮不羞泣於其家衆皆競進以貪婪兮繫利祿之圖也

紛僥倖而行險兮忘禍亂之虞也盡韜光而襲素兮不
顯著其名譽豈懷珠而欲獻兮寧待價而求沽匪炎附
而寒棄兮不朝滿而夕除匪疾兮匪徐或卷兮或舒日
居月諸兮於斯樂胥身世兩忘兮前哲為徒諱曰彼美
君子味道腴兮衣錦尚絅懷瑾握瑜兮樂天知命保康
娛兮細故芥蒂曾何拘兮我微斯人誰與俱兮

希古齋賦

永嘉孔希直士清先聖五十七代孫精於篆隸扁所居

齋曰希古其諸兄子昇先生嘗為之記不揆瓦石輒復
為賦之云

謬予後古人而生兮竊有志於好修歲月忽其不淹兮
傷予心之優優世既降而日媮兮孰尚友於千載往者
不可復續兮發來今之一嘅聖尼山之苗裔兮紹麟紱
之正傳簪笏紛其委積兮渺探賾於遺編歸齋居其藏
修兮揭巨扁曰希古湛月鏡之涵虛兮徹冰壺之清貯
帙編笥為戶牖兮羅翰墨為藩維披雲於一掃兮五采

斑其陸離繫人文之肇宣兮妙蒼頡之體製造蚪蚪之
有書兮揭日星而昭晰慘羸政之遺禍兮灰竹帛於坑
墟豈天弗喪斯文兮僅壁藏其遺餘暨斯文之間出兮
辨二體於篆隸符造化之自然兮曰象形與會意或鐘
鼎之峙立兮或柳薤之紛披或蟲魚之菌蠢兮或鳥隼
之奮飛何嶧山之野兮悵失真於棗木續浮雲之變化
兮徒驚駭於流俗披周宣之石鼓兮偉神物之撝訶蒐
封禪之故典兮撫秦刻而摩挲懿中郎之名世兮刊石

經於京國決流傳於遠邇兮錯咸陽之車轂嗟世變之
狂瀾兮迄篡漢之當途碑禪代與九錫兮猶誇詡於鄴
都右軍興於典午兮具波磔於八法陽冰託根於蟠李
兮冠當時而稱絕紛總總其異同兮爰昭揭於座陰彼
扣門而求售兮曾何吝於百金儼面命而心傳兮宛先
烈之如見惟藝游之精能兮庶聲華之獨擅恣厥意之
所極兮諒百世之翩翩劃金錯之剪裁兮森玉筍之垂
懸樹鉄門以為閫域兮求無弗與也瘞禿錐而成塚兮

續莫之數也紛偏旁與點畫兮羌訂正其是非也彼六
書之於說文兮吾亦得究竟其指歸也彼家鷄而野鷺
兮於人情其何語綰蛇蚓之春秋兮曾何足以寤語撫
衾席而指畫兮寥弗寐而旁求拾柿葉以為題兮何龜
勉而弗休心悠悠而自得兮溘塵氛而蟬蛻要鴻蒙太
始以為隣兮聊優游以卒歲諱曰美若而人鏘瓊琚兮
毫濡素染樂自如兮白水東流矢勿渝兮希聖希賢遂

古初兮

東園莊賦

航一葦之西風兮溘予至於長淮覽鍾離之故疆兮煦
晴旭之清佳鳳城屹乎萬雉兮聳帝鄉之宮闕山川錯
以相樛兮儼屏障之四列美東園之幽勝兮控川陸之
委蛇原田錯其櫛比兮藹林園之參差偉儒紳之來居
兮叶瓊茅之吉卜夏屋屹其渠渠兮詠考槃之在谷松
竹挺其修直兮植花柳之芬菲寄遨遊於上下兮豁乾
坤之端倪冠切雲之峒堯兮紉佩蘭之蒹蒹製荷芰以

為冠裳兮燿衆芳之藹藹時杖屨以周折兮審容與而
躊躇仰高穹而俯幽深兮寄遊興於樵漁坐白石而枕
清流兮輒漱心以洗耳眇逝者之如斯兮妙忘言於至
理良田穰稷兮黃雲秋璇宇清兮纖塵不留詠豐年兮
黍稷默中心兮悠悠紅鮮兮玉粒屹京坻兮斯積躬耒
耜兮殫爾力充饔飧兮昕夕紅霞艷兮白雪香銀匙翻
兮金盃涼燕語兮樂康自天錫福兮簡簡穰穰黍肥腩
而烹魚兮云作苦於伏臘顧同鄉而逆旅兮共相忘於

遷謫紛子衿之青青兮扣函丈以相從傾珠璣之肺腑
兮豁錦綺之心胷編簡浩其棟充兮手校讐而纂緝嗣
子恪其敬恭兮肅衣冠而趨席羌面命而心傳兮有四
聖之周經合象占而妙契兮發精義於考亭顧壽考與
富貴兮誠吾生之定分年既登乎希有兮庶克歸乎厭
正邈古人之既遠兮緬流風而庶幾援彭澤五柳以自
況兮委天命其奚疑日忽忽其既逝兮慨人事之錯迕
盼鴻鴈之迴翔兮寧戀戀於茲土霰雪零乎交至兮北

風其涼也聞華亭之鶴唳兮忽乎懷故鄉也亂曰淮山
峩峩兮淮水波東園茫茫兮其如之何築室兮澗阿矢
厥心兮匪他麥秀兮嘉禾樂吾生兮來遊來歌烏兔兮
飛梭彼君子兮不那

易安齋賦

嘗讀晉陶處士歸去來辭有曰倚南窓以寄傲審容膝
之易安噫是其隨所寓而得不願乎其外者歟身之安
者心之安也心之安其與道相忘矣若處士者庶幾於

道哉予友會稽王文祥由胄監生為徐州蕭縣儒學訓導扁其所寓曰易安所謂審其所安而尚志古人者也徐州博士嘉禾王先生闕執筆著記不揆鄙陋輒為之賦曰

昔典午之云微兮挺夫人之姱節恥五斗之折腰兮望柴桑而返轍撫菊松而盤桓兮用以適夫中心審容膝之易安兮曾何慕夫高深慨斯人之莫繼兮歛流光之奔電想衣冠之神遊兮儼風流而如見氏瑯琊之苗裔兮

誇閎闕於會稽學省騫其飛翔兮仰廷闕之光輝朝徙
倚於文林兮夕翱翔於藝苑會萬里以同歸兮索話言
於幽顯芳菲菲其彌章兮聲籍籍乎有聞闡蕭庠之教
席兮藹衿佩之紛紛愧獨處此一室兮寤前修於往昔
面牖戶而坐忘兮聊從容而偃息謝紛華而不即兮漠
虛靜而怡然邈造化之端倪兮浩風月其無邊嶺崢嶸其
在列兮河奔流其如帶曠平原之千里兮覽興亡之大
槩歸橫宮之密邇兮瞻聖冕而巍我苟修名之不立兮

瞻斯文之謂何保正氣之清澄兮形穆穆以寧一悄塵
氛之弗入兮離人羣而自逸湛靈臺之如鏡兮諒何慮
而何疑若止水之不波兮屹山岳而鎮之夜漫漫其待
旦兮寄夢寐於衽席恐內慙之易萌兮終不忘於警惕
悵險履之或經兮渺不知其所歸倘患難之數膺兮愁
坎壈而淒其紛利祿之遑遑兮羗蹈危而逢殆黯昏夜
以乞哀兮曾不免於一嘅彼廣廈而細旃兮非予心之
所希也彼金馬而玉堂兮羗命分而莫為期也肆中情

而笑傲兮信吾之安易也與日月而周旋兮審予心之弗替也諱曰安汝居兮仁義其廬兮安汝止兮道德其履兮身孔安兮吾何艱兮安斯樂兮何媿何忤兮

延暉閣賦

天台李

闕

老成文獻士也年幾八十構閣以居有二

子長

闕

次

闕

備禮奉養克盡其歡因取揚子孝子

愛日之義命其閣曰延暉豫章揭平仲既為著記因演其義而為之賦曰

夫何仙都之雙闕兮渺滄海之涇濛歸層構之壯觀兮
眩丹碧而穹窿拂若木而增華兮耀扶桑之瞳矐浩雲
衢之蕩蕩兮皎輪馭以行空配陽德之浩浩兮溢流光
之冲融晃欄檻以洞射兮紛漾漾以融融孰居處而登
臨兮偉八袞之仙翁白皜皜其鬢霜兮丹渥若其顏童
藹至和之煦煦兮庸偃息乎其中謝塵寰而不即兮爰
內毓於貞中紛善慶之世積兮貽令譽於厥躬翩翩兮
佳兒舞襴斑兮綵衣奉滌醴兮怡怡介福祿兮維祺仰

碧落兮青雲梯兮父何追兮魯陽何揮羲和攬轡而按
節兮蹇萬里其焉歸曰朝吾暘谷兮夕予至於蒙汜羌
晝夜之晦明兮運循環而終始邈天地之無窮兮彼人
生之能幾信往者之莫回兮悵來者之莫繼叶上聲肅予
聽兮邈予音情窅窅兮思悵悵撫大椿之遺蔭兮致寸
草之芳心時矯首而遐觀兮迫西山之駸駸繫長繩之
百尺兮信予力而不任求大丹而莫致兮愁坎壈而增
深念喜懼之交并兮能不為之先慮也諒神明之可告

兮願曜之少駐也毋徑往而直奔兮盍躊躇而延佇也
倘命分之永延兮庶表予之衷懷也金烏兮飛梭白駒
隙兮奈何登高明兮望差我舞鸞鶴兮婆娑協笙管兮
陽阿攬餘暉兮笑歌彼天鑒之孔昭兮斯精誠之所召
光迴轉於蒼隅兮留桑榆之末照望春臺之熙熙兮託
晚節之榮曜晚不死之舊鄉兮擁佳期之來到攸芋兮
攸躋載色兮載笑詠如岡而如陵兮探周雅之精妙與
百歲以為期兮信夫人之為孝諱曰高閣兮蒼茫杳蓬

島兮相望偉期願兮冠裳招暮景兮徜徉貞吉兮樂康
春秋不老兮凋三光

雙芋圖賦

予教廣信郡之明年上饒縣學教導歐陽先生君贊出
雙芋圖以示予語之曰物植之見於圖牒多矣若木之
連理麥之兩歧禾之同穎暨夫棠英屈軼華平之屬蓋
所以示天地化育之盛明國家休應之多有如此者彼
芋載於本草雖曰性溫味和特山藪野蕞之一爾春秋

之法常事不志雙芋之於翰墨何辱焉君贊曰淺矣哉
予之為言也夫君子之於物取其意之適焉爾初不計
其精粗貴賤高下厚薄也鬱蓀葵棗詠諸豳風先公風
化所由也豆粥麥飯紀諸漢史光武倉卒所賴也蘋蘩
藟藻供祭祀之誠芝栢葠棋奉膳羞之敬彼豈非微物
者乎而用之重之也况芋之為物足以助五穀濟萬民
者哉吾家澗谷中力作而歸值天日卓午或風雪黃昏
飢苦頓踣之餘視鼎釜則雙芋熟矣家人以進屬饜焉

以為天下之味舉不足以易之也宋蘇公易簡對太宗
以為物無定味適口者珍臣止知蠶汁為美欲作冰壺
先生傳而未果也太宗笑而然之吾之於芋猶易簡之
於蠶也作圖以示不忘庸何傷哉予乃喟然嘆曰嗚呼
先生其有道君子者乎亞聖鄒國嘗曰飽乎仁義不願
人之膏粱其先生之謂乎遂為之賦曰

氏歐陽之名喬兮蘊美質之真醇若錦里之先生兮羌
未底於全貧宅巖崖之險巖兮力磽确於旦暮相厥時

而培植兮肇嘉名而曰芋番土壤以如酥兮藹生意其
敷榮如巨扇之在掌兮奮莖葉之青青歛盆涌而墳起
兮沃雨露之膏澤種一斗之纍纍兮紛連城而有獲時
霜降而木落兮續萬寶之告成斲巨鑿之鏡利兮審碩
大而充盈俘厥魁以奉獻兮曰可食而可茹一與兩以
配合兮妙先天之成數狀磅礴而崑崙兮羌壅腫而輪
囷外皴皴而隱鱗兮中潔素而可珍類蹲鴟之可呼叶去聲兮
比龍涎而堪賦發妙思於詞林兮艷芳葩於衷悵爨下急

夫薪蒸兮沸湯鼎之波濤氣勃鬱而上浮兮異灰熟之
煨爇與柿栗而並列兮於以侑酒也屑玉糝以為羹兮
於以適夫口也釋隴畝而來歸兮曰吾道之艱難飫飢
腸之雷吼兮庸厭飫於一餐信朝夕以為助兮詎敢儼
夫穀粟諒儲蓄之所宜兮庶以資夫弗足充一飽以無
求兮老吾樂夫天年日淡薄以自適兮曾何慕於醲鮮
爰噤嚅於道真兮探至微於不味彼一筋而萬錢兮眇
流俗而興喟昔魯直之山居兮指蘋湯為瓊廉燃楫杜

以撥爐兮問長夜之何其邈空門之禪衲兮延長源而
悟對語從容而啖食兮期秉釣而必貴安吾分而樂天
兮緬前哲之遺風畦一區而備預兮夫何患於歲凶徵
畫史以為圖兮匪丹青之眩也託詩人以比興兮用以
適夫遊燕也即物以明理兮詞弗誇也輯巨編以成軸
兮士林之華也諱曰地不愛寶美產畜兮碩大以充如
璞玉兮以釜以鬻薦庖厨兮至理之存淡而腴兮維彼
驕奢恣懽劇兮燂宰烹魚玉脂泣兮彼樂以淫疾疾深

兮芋兮芋兮適吾心兮

榮陽外史集卷五十三

欽定四庫全書

榮陽外史集卷五十四

明 鄭真 撰

哀辭

楊時敏擬招詞

予年十餘歲時受業郡庠時鄉先生仲如楊公以經明
行修受郡首聘訓導弟子負其子名數字時敏者侍側
頗長於予予以兄事之先生坐堂上上日進諸生取經

史訓迪之予惜若無聞時敏輒先解浙東部使者釋奠於先聖廟下時敏升堂為講曾子一貫之旨部使者稱之會先生分教永嘉時敏從遊湖海十餘年間歸出其文章議論予深媿弗及也越數年先生以恩命復起為温州教授陞浙東憲掾以守禦衢州功進為照磨架閣文字時敏奉侍左右不懈益處江行省參知政事述律蕭公聞其才行以便宜擢為都事駐兵處州參贊裁決為多時朝廷遣大臣經畧江南時敏上事宜數十餘不

2

於人人宜為大官耆老以顯榮其身者乃今年不強仕
志不及竟而死及之是猶大鵬之生南海人皆知其志
在霄漢而終不見其搏扶搖九萬里而上征也則於留
連眷戀之意悽愴悲惋之情其能已乎予與君相知為
深於是採宋玉大招及高里遺意作文以招之其詞曰
夫何美人之好修兮懷貞慙之芳心朝馳驚於藝苑兮
夕憩息於書林擷草木之芳葩兮諧律呂之清音孰非
善而弗為兮孰非義而弗任履足迹於山川兮起天人

之慕欽值氣運之不淑兮促歸駕之駸駸奄積峙之興
衰兮慘悲裂而莫禁致壽命之早夭兮傷予心之欽欽
冤恍惘而莫適兮懇長夜之陰陰乃命神巫載縱秉旄
注精高明冥而下招曰茫茫堪輿氣鴻荒只六合上下
廣莫量只冥昭曹暗行恍惚只魂兮歸來毋流亡只江海
漫漫濤浪擊只魚龍泳遊變化不測只鯪鯉兩足惟人
是食只冤兮歸來毋墜溺只山川阻深慘無日只陰氣
嚴凝冰雪積只虎豹磨牙恣所齧只冤兮歸來往恐自

賊只上下冥迷雜鬼怪只犴獄陰冥鉄闕閉只獸首人
身執器械只冤兮歸來以遠害只俗尚澆漓勢莫禦只
縮志腆顏植聲譽只貪婪索求紛疾妬只冤兮歸來正
矩度只醜狀麗詞失厥中只抽黃對白巧為工只渾朴
斲喪諂媚為容只冤兮歸來返古風只赤水丹山遶故
居只琪樹瓊柯粲紛敷只朋來盍簪鏘佩琚只挹彼注
茲兩樽壺只風馬雲車毋踟躕只冤兮歸來幽憤摠只
汗簡漆書遂研鑽只二典三謨尚虞唐只明禮興樂威

儀彰只覓兮歸來樂不可當只八卦設位人道立只探
玄蹟微昭日月只麟史有經賞罰明只褒善貶惡粲有
程只雅頌風凰叶正聲只擷英吐華娛性情只史筆縱
橫撮要綱只大書備錄發幽光只覓兮來歸斯所望只
亂曰邈人生之幾何兮日月若其迅征慨所思之不見
兮沈寂寥其無聲夜漫漫而靡旦兮窅泉壤之冥冥薦
椒糈之芬冽兮播瓊靡之芳馨思躊躇其凝佇兮跼有
感於精靈慈親兮在堂渺諸孤兮煌煌明月皎兮悄空

房秋風蕭蕭兮嘯孤凰天慘慘兮路茫茫雲歸來兮毋
我忘

胡子奇哀挽辭

予少時誦詩書頗能以文章自喜受春秋習舉子業私
儼數十題以應場屋一日之敵然學不得碩師徒守傳
註雜以訛言臆說雖窮日夜敝精神卒不能得旨意所
在故戰藝載北心志不通名聞不彰無有振而作之者
同郡胡君子奇以是經有名湖海間近歸自吳中往來

予家因以所業示之子奇授以治經之要凡會盟征伐
朝聘往來與夫君臣夷夏之間三綱九法所係有以發
予所闡者予然後知學者用力之難而向之不獲售於
有司者豈不幸哉今兵革漸息科舉復行將與子奇講
明是經庶幾有冀焉者而子奇乃以親老家貧求商賈
之利以為養遇盜溺水以死嗚呼豈將使予者終不得
夫聖人之蘊奧耶謹按柳宗元著招海古文蓋為崎嶇
嗜利遠而不復者言之若子奇則志於養親而非蹈險

以為利者不幸而歿豈不重可悲哉於是採其意酌酒
江海而上矢之以詞曰

嗚呼子奇泛濫汨沒於九仞之淵乎其泝波沿瀾窮萬
里以周旋乎其登蓬萊入玄圃以侶羣仙乎將叩龍伯
之宮以容與逍遙乎將泣淵客之珠以織鮫人之綃乎
抑將騎鯨挾鵬與江妃水若以周流八極乎抑將剖分
血肉以葬羣魚之腹乎滄溟濁浪高拍天下深不測廣
無邊盲風怪雨飛腥膻鮫鰐奮鬣口流涎奪攘滿眼森

戈鋌子行不返胡為然雲煙慘淡霾日輝蜃樓橫空凌
險巖椒崖銛銳藏危機怪罔出沒邀以嬉性命倏忽成
乖睽子行不返將安之金城歸兮東隅界九域兮限方
區大中為路兮至正為途仁義為戶兮道德為廬安汝
行兮徐徐廓爾居兮蘧蘧朋酒兮樽壺孝養兮歡娛左
圖兮右書朋精粹兮為徒嗚呼哀哉江海不可以託些
盍歸來兮寧爾軀

葉夫人哀挽辭

繫夫人之孔淑兮躬內則而精修室家夙其有歸兮懿
君子之好逌何壽天之靡齊兮志偕老而弗酬悵鴛鳳
之失侶兮涕泣紛其交流懸明鏡以自照兮弔隻影於
房幽紛華却而弗服兮永終始以為謀援古義以証今
兮矢厥詞於柏舟白髮兮尊姑顏承歡兮愉愉悵歲年
兮云徂慎厥終兮靡渝悻悻兮諸孤篤教誨兮詩書求
志業之有成兮斯不墜於遺餘胡郁支之告變兮心坎
填而愁予諒天命之已然兮撫嫠幼而勤渠嗣續矜其

好修兮務壑播於菑畬庶地下之無慚兮弛予心之舒
舒時荏苒其不留兮迫暮景於桑榆忽息寂其無聲兮
慘不聞於呱呱嗚呼惟義足以秉節兮貞足以固志宜
壽介於耆頤兮一始終而勿貳紛錫類於人人兮守芳
潔而自誓佳城歸兮崇岡藹松柏兮蒼蒼篆碣石兮琳
琅發潛德兮幽光山杳杳兮水茫茫懷貞節兮不可忘
薦吾悲於九原兮颯天風之悲涼

東隱處士哀挽辭

東隱處士

關

君卒葬於東吳華山之南天台陳公

關

言

嘗為文誌其墓君卒後

關

年當至正辛丑春予瞻觀

君遺像乃追為哀挽詞曰

雲溶溶兮東山中人兮皓髮而蒼顏抗塵俗兮離市
寰高風凜凜兮不可攀彼圭組與軒冕兮曾何心於其
間慨一去而不返兮耿長夜之漫漫聞省想而靡得兮
洒情淚之班班時荏苒兮春復秋鬱佳城兮松楸生若
浮兮死若休邈泉壤兮夷猶煙雲兮繆悠岩谷兮蕭颼

風怒號兮水奔流嘯虎豹兮舞龍蚪
沈寥慘淒兮誰與
儔盍歸來乎山中兮不可以久留
歸東城兮遽廬蕉堂
深兮蕙帳虛夜鶴怨兮明月孤
芝蘭兮庭除薦瓊漿兮
冰壺奉孝享兮慰清娛
風馬兮雲車思凝佇兮踟躕盍
歸來兮寧爾軀嗚呼嘻哉兮
山中兮不可以久居

舒自謙生挽辭

嗟若人兮山澤之癯道德為宅兮
仁義為途通古今兮
一瞬察周流兮六虛合幽明兮
旦夜視生息兮斯須滋

蘭樹蕙兮懷瑾握瑜老冉冉其已至今履終歲而弗渝
日出而作兮日入而居生優游兮遂厥初嘒暮景兮桑
榆大命近止兮吾踟躕其焉如先兆歸兮蒼蒼屹飛舞
兮鳳凰泉壤兮茫茫將永寧兮崇岡攀松柏兮依依生
若寄兮死若歸唐虞兮遠而樂天委命兮夫何為矢吾
辭兮孔悲激天籟兮淒其

王叔遠先生擬挽辭

四明文獻家稱王氏為首自觀察使三傳至尚書公益

大以著故山叔遠先生為公幼孫公著書千餘卷先生
晝習夜誦旁通曲暢學既有成與其兄邵武教授並有
聲庠序禮樂之事多賴以取正至於人之美惡高下事
之曲直當否品量疏列靡不克中世以此重之亦以此
得謗先生處之裕如也予先教授府君與世寡諧與先
生昆季相好為至六十餘年不啻親戚至於攻勵之正
規戒之嚴則各不少置人固以為非苟同者自予兄弟
為兒時視先生如季父先生愛予兄弟如已子趨隅侍

坐所以開啓其心志者非一日矣至正二十三年秋九月重九日先君與先生會飲於家因論及書檄露布之體與唐正衙內殿之制先生慨然謂予曰今世學者自科目外一切典故漫不屑予亦有志於是乎尚勗之哉予佩服斯言而未嘗須臾少置於懷也越明年三月先君卒先生來護喪事吾兄弟慟哭之餘以為先君往矣先生存焉以事先君之禮事之聲音咳唾之間庶幾如見吾先君者孰謂先君既歿而先生復相繼以死耶自

今小子其何所依歸以為求教誨之地乎嗚呼悲哉初先生得疾予時往問之曰吾死無日矣行與子訣既而以承祀屬其姪以治喪付其甥其綱紀之者實惟其兄教授先生且命以啖趙春秋欽則於歸全之際可謂從容於義命之正而無所憾矣而予所以拳拳致其愛厚之辭者蓋死生大變人情天理於是為至有不能自己者耳彼之生而致死之獨何心哉昔尚書公卒袁文清公為述廣招以致師友之義夫世有古今人有貴賤而

道義則出於人心所同然者得其所同然古人之遺意
且不在茲也耶先生將葬予以契家子義非他比誠不
敢以服喪未除而故為默默也於是倣其制而為之辭
其辭曰

悲夫人之奄忽兮溘埃塏而遐征視杳杳其弗見兮聽
邈邈其無聲哀余衷之弗置兮濟不知其故排閭闔而
告帝兮跪敷衽而歷訴皇揆予之中情兮赫天光之下
垂撫湘纍之故實兮命巫陽其招之巫陽再拜稽首偃

倭恭受挿竹垂綏藉茅薦酒乃下招曰大鈞茫茫氣化
氤氲些雷霆硤磔陽火焚些固陰沍寒霰雪零些九關
橐鑰虎豹啄人些魂兮魂兮母上天些重泉閼深陰冥
霾漠些敦肱血拇跳梁如獬些劍獄刀山湯火沸些苦
海無航險莫濟些魂兮魂兮母入地些滄溟萬里廣無
邊些椒崖凌波剡戈鋌些鯨鰐磨牙噓腥涎些空腹待
飡恣所便些魂兮魂兮母危顛些山高谷深豺狼噬
啗些蚺蟒當道遺毒螫些爰居驅風轟巨石些魑魅獨

足往來白日些魂兮魂兮遠害賊些方丈蓬萊隔杳茫
些瑤草琪葩露滋芳些羨門偃佺雜璚珩些矯首企足
以遠望些魂兮魂兮往尚羊些豐宇陵夷禮讓息些羣
飛刺天孰止抑些睥睨泚頽若讎敵些嗟此範模有典
則些魂兮魂兮曷避暱些金昆玉季一氣同些棣萼荆
花燧春紅些鴈鴻齊飛挾雲風些中道棄捐心摧恫些
魂兮魂兮友于雍容些家學青箱珍襲什些考釋見聞
殫撰述些眎分品列粲編帙些其大如海貴若玉些魂

兮魂兮守先澤些宸畫奎文爛龍光些鸞鳳綾花雲錦
香些兩制六題煥文章些賜笏頒魚塵滿牀些朋來盡
簪羅饌席些瑤爵瓊尊薦芳醪些魂兮魂兮樂不可極
些重曰竊獨悲此典刑兮天不憖以百齡佩儒服以終
身兮祿弗承於寵榮凌逍遙兮空青駒皎皎兮鴻冥簾
櫳靜兮帷榻清閒寂寥其無人兮慘猿鶴之交鳴洞恍
惚而想像兮颯颯颯之泠泠瞻隴上之白雲兮藹松柏
之菁菁慨九原之不作兮將永固於深局業有傳兮嗣

有承百歲千秋兮尚文獻之足徵奠芳椒兮有苾其馨
歸來歸來千憂釋兮萬慮平

郭母嚴氏節婦哀辭

始予為兒時受業郡庠同舍生後至者兄弟二人皆恂
恂雅飭進退唯諾蹈規矩如成人詢之為郭子通先生
之子先生治尚書才行聞一時由郡學訓導分教處州
青田縣復署上虞縣教諭未上而卒殆將十年獨其母
嚴氏節婦在焉爾間嘗從其子升堂拜之指以示曰吾

未亡人所望以亢郭氏者其在茲乎朋友人倫之一切
磋之益子其尚有始終者哉自予父先處州教授府君
與郭先生為同志嘗以文字相激昂以是節婦視予為
通家子弟因得與其子昆季相好為至退而聆諸先生
長者之言則知節婦之行表表在人耳目者初先生既
死節婦年甫三十即以死自誓時郭氏家日匱遂鬻奩
田粧具養其姑舅教子若女又推其餘以嫁夫之姊及
舅姑先後以死則殯葬祭祀一如禮制他如夫族之尊

而長者死無歛具復為之盡心焉是可以見孝慈之兼
至仁惠之交盡矣嗚呼賢矣哉蓋嘗以為世道決裂而
守身立節多出於婦女之流彼豈有所授受哉良心善
性理為之綱而利欲不得以入焉爾以節婦之行觀之
豈非天質之美而從容於義命之正乎世有偉然一丈
夫慷慨自許至於困窮患難之際見利自私失身不恥
者多矣聞節婦之風不有所媿哉予不逮事先生幸因
其子以識節婦今節婦亦不可得而見矣不亦悲夫於

是矢詞以重其哀辭曰

嗟嗟節婦赫儒宗兮蘭心蕙質善由衷兮婉婉淑修姆
訓從兮色絲纂組習女工兮嗟嗟節婦天立配兮相彼
令居汾陽裔兮室家順正職中饋兮胡為夫子溘于逝
兮嗟嗟節婦涕漣洳兮膏沐誰容鏡鸞孤兮弔影淒其
吾何辜兮婦無二天之死莫測兮嗟嗟節婦篤貞孝兮
白髮在堂壽而耄兮滄漚肥甘承笑貌兮起居昏昕躬
允蹈兮嗟嗟節婦內教修兮訓子窮經道是求兮夜窓

繼晷焚膏油兮長而有成心休休兮嗟嗟節婦家日匱
兮貨我土田鬻簪珥兮喪車連連盡始終兮百禮具宜
錫爾類兮嗟嗟節婦至行全兮鼎養欲娛盡永年兮賦
命短修孰非天兮瞑目正終神遊仙兮嗟嗟節婦音容
杳兮晨霜推萱北堂悄兮寸草春暉情莫報兮展也二
孤心永悼兮嗟嗟節婦寔窈穸兮我思古人衛共姜兮
柏舟之詩吁莫忘兮趾美匹休日月其光兮亂曰山杳
杳兮雪冥冥嗟嗟節婦兮昭我令名溪泠泠石齒齒嗟

嗟節婦兮百世其祀攀松柏兮踟躕慈烏反哺兮聲畢
逋幽局閑兮永固邈九關兮不可以訴些吾文兮孔哀
北風吹雪兮天上來

清靜居士章

闕

哀挽詞

闕

若有人瀛洲玉銚鳴兮琳球江風颯颯兮空山秋吹參

差兮悠悠參差兮絕響跨鸞鳳兮長往不返心默默兮
遐想蹉道義兮靡忘勒蒼珉兮發幽光松柏兮翠蒼薦
予悲兮浪浪

亡友王以文哀辭

吾鄉異時衣冠之家角立雄峙蓋自宋社駐蹕臨安次
翁王公以扈從自汴徙明遂占籍為明人公後仕登兩
府參大政號中興名臣故紹興間四明甲第首稱社壇
王氏云王氏以文為參政公後吾不知去公幾世矣以

文之父亨甫習吏事為會府史君獨以儒業自奮嘗曰
吾不讀書取科第以世其家不名為人年幾冠聞鄉先
生孫正甫訓導郡庠扶丹從遊遂通朱子詩經先生既
謝去歸閉門卒業別取諸經傳子姪皆天人廢興之興
典章文物之詳會粹蒐輯學以大成為詩義多至百餘
篇往往斷以己意不蹈襲沛然無窮間為古人歌詩亦
瞻富清麗可誦時寇盜繁興朝廷日事往討不暇右文
稽古士大夫焚棄筆硯荒落不自振獨以文日夜飭厲

矜喜見顏色或謂之曰子業殆精矣其如時何以文應之曰昔者周衰不復取士孔孟不以其不取而不教也當時門人高弟亦不以不取而不學也吾志於學而已寧計時或利或不利也耶訖無少懈意家素貧中更艱厄舊廬盡棄僦一室以居隘不能展步時受大家聘幣教授其子弟得俸以養其老母暨其妻子或時告不給則曰吾道蓋如是也不為戚戚在戊申其妻桂氏與次子及少子某相繼以死以文拮据喪事辛苦交併復去之

李氏館得疾七日以死李氏奔訃其母及其長子且具棺衾以歛李氏故儒家有禮教待君有加以文死卒賴其力云夫士患不能植志志立矣幸而有成焉身可榮道可行也以文之存若是宜其掇科取名上以推榮其親下以蔭休其子若孫可也乃竟生不遇辰死非其所老者不克養以終少而僅存焉者不克撫以成其志果何如耶嗚呼悲哉予既名其友會哭復略序其槩而係之以辭以文長子名某母年六十餘矣

世澤兮蟬聯嗟甘棠兮孰細弗傳耿耿兮遺編朝斯夕
斯兮予以永年枵離棘兮戰藝謇吾植兮初志望君門
兮長喟時弗利兮名弗遂名弗遂兮奈何悲秋風兮薤
歌

鳳凰兮雙飛斑五采兮陸離鳳翩翩兮失其凰空惆悵
兮或在或亡矯千仞兮孤征雙翮鍛兮歛喑抑其無聲
高岡梧桐兮實弗食露溥溥兮夜蟲泣

萱草兮北堂祝白髮兮壽康奉清歡兮菽水曰吾親兮

有子別慈顏兮去閭里瞻白雲兮不遠伊邇朝倚門兮
夕倚閭望不見兮心躊躇淚涓滴兮眼欲枯百年之望
兮將何如

嗟若人兮空山息視聽兮朱顏悲秋風兮蕭颯慘流水
兮嗚咽蕙帳空兮青毡寒孤燈滅兮夜欲闌塵編積兮
滿几寂無人兮孰呼起起青青兮佩衿情窅窅兮思冥
冥魂逾佚兮弗返猿鶴

闕

前鄉貢進士江淞儒學提舉劉公挽歌辭

世稱春秋之學四明為盛自宋侍郎憲敏息齋高公與其弟端叔甫各為論著有集註義宗二書子孫以是經科第累世歷官至內翰及法從者迨至太師郡王清敏存畊趙公輯為奏議而其次子太社令山心氏復著法律編以輔明之趙氏傳諸程時叔氏復有本義或問辨疑行世縉紳長者咸以為四明春秋學代不乏人前鄉貢進士江淞儒學提舉仲愚先生劉公居甬東早與程先生相發明繼又得聞前朝諸老淵懿故於春秋

恪以三傳為宗而折衷以文定胡氏凡而會盟征伐之事朝聘祭祀之禮與夫宮室之興革城邑之增築器用之得失予奪山川日星禽魚之乖錯變異指事立言闡微顯幽其於正彞倫明分義辨幾微慎終始蓋深有契於數千百載之上者用心可謂密矣故兩名薦書三主教席東州學者皆曰非劉先生不可師嗚呼先生其得所受之正者哉予年十四五時遊郡庠教授大名趙左承太守命以書幣踵門請先生主諸生文衡竊聞先生

論議服膺久矣一二年來嘗以書自通於先生之門先生目以通家子弟噢咻周渥將盡畀以平生所著會世事方殷憂恐不暇竟不得其一二噫先生今死矣聖人經世之大典無從而取正悲夫

闕

臯某復者

闕

有不能自己者如此以先生

之學有以大吾鄉文獻之傳後之人欲見先生而不得其聲嗟氣概如戀如慕雖不能起夫幽冥間寂亦庶幾於沒世不忘者矣予雖不及朝夕承事先生所謂私淑

焉者乃考古者薤露蒿里遺意為挽歌詞三章且叙儒
先經術之所自冠諸篇端冀同志之士復得以繼先生
之學云

經訓專門學科名巨榜題恩私沾雨露光燄吐虹蜺詞
署聲華接儒臺步武躋百年成一夢江海思淒淒

講罷三鱣席文成五鳳樓流年堯甲子遺秩魯春秋砂
水全真秘塵凡謝俗流新銘前進士巨筆待楊歐

兩世通家契論該接緒餘掃門期授業折簡許投書雲

擲青藜杖風生玉佩琚仙遊終弗返慟哭意何如

送無服殤子如昇辭

天殤六歲子鄭如昇以至正二十八年八月十四日卒
於鄞縣甬東清江里故宋八行太師史公六世孫運幹
文林菊屏先生故第始如昇之父某為史氏贅婿其外
祖延叟父厚重朴素有故家風甥舅之好不以門第自
高相得甚歡居三歲生二子如昇其次也如昇之生頭
高而顴額廣而平耳大鼻長眉清目秀腹皤然以充足

臆然以隆性聰慧善記嘗授以古絕句及玉皇寶經輒成誦其在襁褓時我先教授府君嘗撫摩之曰是子異日其有成乎先君既卒如昇之母歸鄭氏事其姑留如昇侍其外祖母父母外祖母年老逾耆壽且貧困無嗣族姓未有來繼者故愛如昇不啻如已子如昇視外祖父母亦不啻如其所生頤指承順為謹遇器若物必斂藏之曰是平日用者可斂為人所得耶伯祖父嘗戒之曰吾將適城市盍與俱則拱對曰不敢離外祖母左右

侍立不去稍倦則請從羣兒戲亦不他適也外祖父歸
出迎入報喜見顏色以他事被斥責則佇立門屏間待
怒解至前笑奉如故或時恐懼不自禁則枕外祖母膝
上相顧涕泣不止外祖父母益憐之蓋庶幾相依以慰
其朝夕也八月一日患滯下疾醫者用疏導法繼進靈
砂附子痛腹去痢者如四又驚懼疾益甚聞哭聲曰是
吾外祖母哭耶其母方歸寧自撫視其子垂涕謂之曰
以汝弗肯服藥啜粥故爾曰兒豈不欲食飲但逆氣上

攻不下咽耳願吾母無戚母曰汝欲棄吾耶曰兒不敢
逮夜則曰兒首頸若無所屬幸為一正之以雙手入母
懷曰寒矣兒手不知所措矣覺煩悶起坐輒卧飲湯而
卒嗚呼是其命之不辰也耶痛矣哉

按文公朱子製為家禮男女殤服為上中下三等未八
歲為無服之殤哭之以日易月是所謂約古制而為節
文非以其孩幼而直為簡且略也昔延陵季子適齊葬
其子於贏博之間還封三號而孔子取之此其禮之不

敢過者也潘岳至新安瘞赤子於千秋亭為賦自廣且以慘戚子慈為言此其情所不能忘者也夫禮出於定制情發於本心非禮無以達其誠非誠不能致其力於是二者而取其中庶幾有以全骨肉之恩而不失古人之遺意者矣乃為辭以哭之且叙其槩如昇生於至正壬寅夏五月初四日亥時其卒也亦以亥時云詞曰
爾生如寄爾夭如棄孰其主之外家不得以為甥予不得以為子嗚呼哀哉曷維其已

松江倪處士哀辭

故倪處士家於松江之上生六十有六年杜門求志不
事華好有子名衷字士恒處士使執經從明師受業既
有成矣因去習吏事人鮮有知之者適

闕

親非其時也耶以所業自獻試

文數篇縉紳大臣奏為工部主事士恒既歸報且分祿
以養人皆謂處士有子矣未幾處士即世士恒聞訃而
歸祭葬盡禮既逾年奉旨來京師適某以鄉貢待選相

遇旅次出示鄉人挽詩而同郡前進士樊先生文淵序
其首謂處士以朴厚培基子以文章起家可謂知處士
者矣按古有招魂之禮蓋不忍其死而或冀其復生者
漢晉而下於是有薤露蒿里挽詩之名有以見其悲惻
愛慕深得夫古人之遺意者風俗於是為不薄矣以處
士之生榮爵不及其身而親見其子遭際盛時與名官
簿固為積善之報矣然以士恒幸遂榮養遽抱終天之
憾孝子之心思報罔極此鄉人所為深悲之而挽歌辭

之所由作也某雖不識處士然世言有是父者必有是子故觀士恒之為子則知處士之為父矣而況樊先生之言又有可徵者乎乃歌辭三章以矢其哀云

松江湛兮碧波樂幽人兮槃阿集芙蓉兮製芰荷藹芳馨兮實多流光倏兮羲娥白蕭蕭兮雙鬢皤仙遊兮佩颯西風兮薤歌

鳳雛兮翩翩沖飛兮九天華五采兮春妍望白雲兮言旋白雲兮故居慘庭椿兮霜風枯啼聲兮呱呱嗟中情兮焉如

望北源兮蒼樹澹夕陽兮欲暮華表屹兮新阡安神靈兮九泉傳
家兮有予步青雲兮尺咫隨典兮疏塋遲光耀兮林扃

洪進士哀辭

洪武壬子秋八月淞江省奉上旨以明經試士某忝以
非才冠四十人之首而天台洪基伯均亦與在選列明
年計偕春官過淞省入謝知貢舉官始識伯均自是日
得與論同年之契謁選吏部大臣奉旨以中立府國家
興王之地學校之職宜使諸進士為之於是真教諭臨

淮而伯均教諭定遠定遠去府九十餘里兵革之餘學校未遑興復伯均到官僦草屋以居來學者皆新復之家樵牧童豎冥頑弗靈伯均晝夜訓迪之困憊不少休間以事至府悵然謂真曰學校之法三年有成吾所教所學雖十年何濟尸祿罔功吾其弗免於戾乎真應之曰某於臨淮亦如是矣何啻定遠哉夫學校開創之初豈可與規模素定平昔者比耶往見江南士子讀書綴文習之已久一旦升之於學以之登巍科躋膺仕直易

易爾自江以北謫籍之民視簡冊為何物哉教之可一
蹴而就耶吾儕但當盡其力之所當為意外之事非所
慮也伯均亦以為然然伯均家在二千里外父年八十
繼母亦且七十餘矣家貧產薄妻子盼盼然而所得之
祿不及以養竟以憂得疾因謂從者曰吾殆死矣乎以
歲甲寅三月七日卒定遠縣丞王某以斯文之雅來主
喪事剖其囊敝衣故書而已棺斂葬之南門外逾月而
其僕來訃嗚呼某尚忍聞伯均之死也耶悲夫昔昌黎

韓公論歐陽生詹以為詹舍父母之愛而來京師其心
蓋將歸為父母榮也雖其父母之心亦皆然夫詹以科
第至四門助教固足為其父母榮矣然當時猶以仕弗
通顯為憾若伯均皓首窮經預名薦書僅僅焉為百里
師至不及見諸用以死其父母缺望焉士君子之於痛
惜果何如也始定遠邑父老見學宮草莽中舊碑石成
鱗甲頭角狀相謂曰意者學官其來乎未幾伯均至咸
歎異以為言之信今伯均不幸而死此其邑父老所甚

惜者也嗚呼悲夫真與伯均義同出處既為慟哭復論
次如左而申之以辭曰

悲夫人兮好修鏘玉佩兮琳球西風縹緲兮蟾宮秋凌
丹梯兮以遨以遊嫦娥兮廣寒皖一笑兮相看桂樹香
兮飄丹贈一枝兮垂華勝於不刊工歌兮鹿鳴偕計吏
兮玉京紛韋布兮金紫其榮胡命之不淑兮鬱爾令名
中京兮九天謫多士兮周旋奉華檄兮翩翩祀宣尼
兮豆籩座席兮無彊紛衿佩兮執編寂寞兮誰憐奄

伏枕兮憂纏神遊兮忽仙胡命之不淑兮曾不以永年
故鄉兮天台菊松三徑兮荒塵埃君不肯兮歸來慘猿
鶴兮嘯哀雙親兮老矣曰旨甘兮有子望不見矣涕淚
如水君溘逝兮孰呼起起淒淒兮洞房泣鏡粧兮孤凰
雛悲鳴兮欲飛翔睨雲程兮孰將冷風淒兮中帷魂杳
杳兮來歸歸爾國兮南山之陞庶斯文之不沒兮猶髣
髴而見之

故嚴陵晦巖居士王君挽歌辭

香爐之峰兮青摩空桂樹團團兮山氣龍荏紛冠蓋兮
九重君胡為乎山中濟世塵兮緼緼澹富貴兮浮雲山
葩開兮青春樂徜徉兮猿鶴主賓奉慈顏兮純孝篤彝
倫兮以心匪貌萱草北堂兮金甌發耀疾其瘳兮延暮
齡之榆照天降災兮匪時我倉我庾兮飫爾飢白日兮
烏飛老冉冉兮將焉之駕赤駟兮驂蒼鷲歛仙遊兮忘
歸羣雛兮悲慕仰天閭兮邈不可以訴巫陽兮載招颯
佩環兮悵餘音之嘹嘹

金魚兮高岡鬱奇傑兮相望砂水蜿蜒兮神工發秘竈
其深兮妥靈百世猿狖嘯兮巖壑秋攀援松柏兮聊淹
留山泉為醕兮山花為羞薦悲些兮激天風之颼颼桐
廬之山兮桐川之水夜漫漫兮孰呼起起堂構兮有子
徵名文兮太史

滎陽外史集卷五十四

欽定四庫全書

集部

蒙陽外史集卷五十九

五至

詳校官編修臣翟槐

中書臣劉源溥覆勘

總校官降調編修任倉聖脉

校對官編修臣沈清藻

謄錄監生臣劉淡

欽定四庫全書

榮陽外史集卷五十五

明鄭真撰

誄辭

故四明遂初老人王先生誄辭

按誄者哀死述其行之辭周官小史掌之魯哀公誄孔子曰昊天不弔不慈遺一老俾予一人以在位其辭簡古深切非聖人莫能當之漢制國有大喪則大鴻臚奏

誅後世公侯士大夫家兼用之若唐柳宗元誅衡州刺史呂溫化先前進士虞鳴鶴九臯是也宋疊山謝公以節死虞文靖公誄詞實足以發之士君子稱述言行公論所在豈誣也哉四明王氏為故宋東南衣冠家遂初老人叔載先生尚書厚齋公之孫承奉靜學公之子自幼穎悟治詩經得舒文靜公之傳而尤熟於性理治道禮樂法制及臺閣典故世胄譜牒先朝遺碩若王僉判叔猷趙太社孟何戴教授表元夙表異之縉紳儒宗若

侍講袁文清公黃文憲公以世契深加器重憲副曾公
某僉憲李公絅孫公揖帥閩都司曹公愚牟公應復則
先後薦引推挽者也郡守王公元恭

公則修書致幣親詣門屈諸郡庠者也鄉達君子若畏
齋程先生習齋鄭先生孫先生正父董先生秉彝蔣先
生敬之及先教授求我先生則以斯文契誼討論往復
者也平生忠信質直尤清苦儉約奉祭祀守墳墓保有
先澤凜如弗勝而於學至老弗倦論金宋舊事極言奉

化陳桎續通鑑會稽楊維禎正統辨之失早嘗造泐闡
不售用詞科十二體篤意古文而精於詩歌三為訓導
兩為學官學者多出其門值朝廷遣大臣李國鳳經略
江南署教授衢州而中書用薦者除邵武路教授福建
分省又陞為儒學提舉皆不就於是先生以老無意於
世矣以今洪武九年三月二日卒於家四月十四日葬
於鄞縣同魯先塋之次真客居聞訃為位哭弔為之言
曰文獻老成其復有如先生者乎夫富貴壽天命也立

身行已言可師法君子不謂命也若先生者庶幾不泯
矣哉真在幼時師事先生今年已四十餘矣過不自揆
於兩制學誠有志焉先生固深許之出尚書公玉堂掖
垣二藁以傳蓋嘗服習而得其一二值聖代文明叨首
薦書持所業以示同進人固知其有所自矣計偕京師
著遂初老人傳拜牀言別先生有青雲黃壤之說及過
中都手書慰勞至於再三嗚呼先生今死矣憑棺臨穴
弗及致其私矣千里相望九原莫作浮雲白日之悲可

終已耶因為之誅誠不敢儼古作者用以伸死生不忘之情云

嗟嗟王氏始自瑯琊由汴徙明式完厥家肇自廉車旌
耀功閥郎曹嗣承率履勿越逮至尚書揚於帝廷華蓋
文昌有赫厥聲嗟嗟先生世胄嗣嫡強記博學浹洽充
積發為英華聯翩匪誇五采交暉絢兮雲霞惟承奉公
尚志弗仕耆艾登門衣冠有偉樞趨座隅周旋敬恭交
口推譽聲問以隆如黃如袁忘情臚仕致登世好辨問

經史宣聞憲部薦剡文章後學者師于校于庠同袍盡
簪聲應氣合佩衿如林下學上達教養掄材錢穀是司
沙田海渚惟言來歸周官儀禮曰有鄉飲損益取中考
覈精審列郡取法獻酬主賓冠帶周旋文物彬彬明郡
有史凜焉筆削藏之有司以究沿革玉海諸書手澤具
存篇目昉分摭拾吐吞訛者以正失者以復抽芳啓秀
昭示簡舊誥論言牘瑤軸其編宸章御畫紹乃世傳早
志名科闡棘有栴悟悔得失中止勿踐宏博古學行為

六題典重溫厚規行矩隨唐宋大家各有師法沂流窮源不尚求合名聞縉紳咸曰宜哉黼黻謀猷館閣奇才命與時違老兮教職象山海邦廩祿有秩浦江改命遽云歸適同谷之陽樂只林泉時維明廷經略遣使便宜改署曰郡博士相臣中書邵武是除言陟儒臺浮雲何居六龍垂乾歸然故老大帶深衣冰霜皜皜七十餘年奉身歸全曰遂其初寧不在天嗣續曾孫亦云無憾當代典刑失其一鑑嗚呼哀哉音容斯邈禮制匪愆結驂

靈輶徹奠素筵崇崇玄堂冥冥幽窆馬鬣其封龜兆茲
吉淮山地遠瀛海雲深至行有述憂思難任嗚呼哀哉

故同知梧州府事劉君哀挽辭

人莫不有死兮嗟處死之為難苟忍恥而含垢兮寧沒
身之為安美夫人之姱節兮紛危機之交會慨莫為之
誰何兮矢九死而不悔駟蒼鷲而上征兮歷虎豹之九
關跪敷衽以陳詞兮近咫尺之威顏帝賜哀而垂憐兮
俾歸導夫先路妥神棲於淮山兮藹松楸之雨露乃命

巫陽本其出處而些之以辭曰

世緒蟬聯

闕

金些定家暨揚肇前修些嗟公之生尚

氣節些強記博學精厥藝些葩藻聯翩叶聲詩些筆翰
如流衆譽歸些歛英襲華守寧一些世途險巇而不即
些桓桓使相節制雄些掾幕招延粲禮容些將驕卒梗
正以律些暮夜金來利寧誅些參軍醉李折奸頑些健
訟斯息公庭聞些燕賈以償直民粟兮義讓適均感伯
姪些昀昀原隰發隱欺些貢賦以登用所資些序聲序

音煥丹碧些聖冕魏我俊髦集些善教熙熙著厥功些
幕府錢唐歛登崇些羽檄星流時孔棘些紫牘山決立
斯決些熙運天開覲明廷些倅郡惟三赫寵榮些百粵
之強窮陟歷些椎髻卉裳咸率服些老扶幼携續來迎
些王化旬宣恪奉承些邈彼蒼梧夙強懷些以文以武
悅以暢些飛語貼危誰其憊些姜兮貝錦職背憎些目
瞑訃哀淚若霰些襯輿東還弔以唁些翩翩羣雛聲呱
呱些沂江入淮安厥居些像設中堂奠帷席些青鳥發

秘卜寔窅些蘭膏明燭艷容煌些烹羊烹魚薦藪芳些
神棲孔安祀無瀆些澤流子孫綿嗣續些亂曰西風蕭
蕭兮萬籟秋深林杳兮悲泉流思纏兮隱憂九死不悔
兮欣受身其殞兮令名不朽些斯文兮與山川其永久
攀松柏兮虬枝白鶴嘯兮玄猿悲颯霜露兮淒其藹音
容兮如將見之

故四川道提刑按察司僉事廣信游公原敏哀些

辭

溘飈風而南征兮望靈山之差我沂王溪以迴旋兮全
入長林之坡陀枉予策以攀援兮蒞磴道之捫蘿渺浮
游以興懷兮蹇躊躇於巖阿曰冠豸之遺直兮慘魂遊
於寥廓結重華之深戀兮慨斯今之莫作惜長夜之漫
漫兮悲空亭之猿鶴紛紛遑遑而索求兮恍神交於冥漠
於是俎列羣羞壺傾四酬巫陽廣招楚歌悲奏其辭曰
懿彼美人皇降衷些玉色頽頽皎雙瞳些周折矩規步
琤琮些懷瑾握瑜粹美充些衣冠蟬聯閱閱崇些芸編

滿家雜瓊玉些啓秀披芳欣饗飲些問道宗儒粲華燭
些經史便便飽儲蓄些八行世科踵芳躅些大明當天
人文宣些薦鶚橫秋歛高騫些豹闕九重禮興賢些拜
命為丞佩綬連些三年上考覲九筵些堯言都俞增品
秩些執法煌煌森典則些爾功爾言昭寵錫些柱後惠
文枰以擊些勿諂以邪拱而默些臣拜稽首恪對颺些
柏府潭潭凜霜雪些羣邪震驚颯鋒銍些風采煥揚振
朝綱些驄馬避止肅周行些逆批龍鱗勿怖懼些骨鯁

稱忠藹朝著些委身結纓榮際遇些矢心弗渝天付畀
些攬轡埋輪吾所慕些井絡參虛斗一隅些劒閣峨眉
險多虞些氏羌僚蠻巖壑居些使者祥刑王化敷些憲
節皇華馳驅咨諏些叶治政報聞年及半些犴戶桁楊
法律斷些桴鼓不鳴安井甕些爾游爾休樂伴與些翰
墨風行於笑粲些帝恩召還德音頒些館次雲陽憂思
艱些乘虬上征杳難攀些蓬萊瀛洲厠仙班些竿焚遺
民涕淚潛些埋玉故山賻車錯軌些反躬歸全克修素

履些有封若堂列屏扆些嗟嗟後人精享祀些魂兮永
寧綏福祉些諱曰世澤兮繩繩洽遠近兮泯泯厥聲學
有承兮仕則榮胡造物之若戲兮曾不畀以百齡煌煌
兮聖明功斯錄兮善斯旌遽密兮龍廷貴幽爽兮泉扃

榮陽外史集卷五十五